

玉籙大齋第三日早朝儀午朝同儀 率七

各禮師存念如法

天書啟罪 下頌太微 元化生成 靈烟九回
八景六周 聖運所持 左賓赤方 右啓帝扉
東華南府 灌煉辟非 回輪日耀 轉盼月輝

今日大慶 萬道同歸 玄壇正炁 保天無衰
香告三界 驛龍風馳

鳴法鼓二十四通

無上三天玄元始三炁太上老君召出臣身
中三五功曹左右官使者左右捧香金童傳
言散花王女五帝直符直日香官各三十六
人出者嚴裝顯服冠帶垂纓關啓玄壇土
地方域神真臣今早朝陞壇行道朝謁
帝真謹奏為入悉其諸誠意具載絨騰願得
太上至真道炁靈寶瑞光下降流入臣等身
中令臣所啓之誠速達徑御
至真无極大道三清上聖
昊天至尊金闕玉皇上帝御前
請稱法位
具位 與臨壇官衆等謹同誠上啓

虛元自然元始天尊无極大道太上道君太
上老君高上玉皇十方已得道太聖衆至真
諸君丈人三十二天帝君玉虛上帝玉帝大
帝東華南極西靈北真玄都玉京金闕七寶
瓊臺紫微上宮靈寶至真明皇道君三十六

部尊經玄中大法師上相上宰上傳太
平下教二十四真人西城惣真王君太乙真
人東嶽上卿司命茅君定錄保命二真人名

山洞府得道神仙三界官屬一切真靈

臣聞七素徘徊兆七陽而分化五元因合煥
五緯以乘天儲粹幽微浮空高爽總攝梵英
之炁肇萌皓景之光積號延康開明億劫紀

素靈之玉曆凝結成書開黃老之寶章並虛
符篆八威安鎮萬寶生成臣等叨位玄門列

名紫格恭金闕自然之道詳念至真爰錦囊
大有之文恭依具典凡有奏啓敢不以聞齋

意青詞謹當宣奏

宣詞

具如詞旨不違厥懇息惟大道分別來祈
臣聞湛寂元尊御清微而不宰撫綏九有履

玄運以無私弘敷妙道之因太極幽途之苦
臣等持旦存神詰朝行道紫霞耀日蒼龍初
上於扶桑赤景流空載馭已行於東陸返馳
輪於真境需雲蓋於大虛恭假香傳奉修齋
直以今第三日清旦行道請法衆等運茲初

捨上香
願此香烟騰空徑上供養

虛元至真自然大道元始天尊願以是捨香
功德上祝
當今皇帝景命無疆伏願翕受百祥順齊七

政嘉禾朱草屢緣地寶之和甘露景星並見
天休之應龍馬保從於西極鳳凰翔集於紫
庭諸福備膺四靈畢集玆符皆至叶炁旁流

今故燒香自皈依道尊大聖衆至真之德得
道之後祈天長存

臣聞玉笈垂文作人天之軌範金真演教為
生死之津梁因乎妙有之功大矣難名之化

以今第三日清旦行道請法衆等運茲二捨
上香

願此香烟騰空徑上供養

玉皇至聖自然靈寶大道天尊願以是捨香功德上資

赤靈 伏願九玄七祖德劫種親並願泛景太霞飛神空澗登真悟道陪九老以遨遊璇玄鍊真奉十華而嘯詠斷鬼官之速役度上

南宮鑿隨劫以長存生身受度福流裔嗣慶及宗親今故燒香自皈依經尊大聖眾至真之德得道之後昇入無形

臣聞聖德涵容着延生之玉曆道慈博愛啓落死之玄文輪運陰陽主張造化以今第三日清旦行道請法衆等運茲三捨上香

願此香烟騰空徑上供養混元大聖自然化主道德天尊願以是捨香功德上資

所薦神靈伏願序列真仙悉歸梵輔怡神遐想翳秀簾之華霞振袂高登聽瓊房之妙韻停蔭清冷之渚乘輪深遊之衢帶詔重開運

參靈化爽魄隨本女會無涯今故燒香自皈依師事大聖眾至真之德得道之後昇入無形

懺悔 三啓 三禮 重稱法位

具位 與臨壇官衆等謹同誠上啓 三清至尊十方上聖玉京金闕天帝天真十方師尊聖眾三界官屬一切威靈

臣聞七過開闢星宿朗明而停景九陽結炁形神鍊度以登展臣等早慕精修獲參真旨所宜結胎嬰而養素坐致自然混生炁以歸身躬行內鍊未臻神化須有功勳期引接於

群生誓流行於大教况承詞旨恭為典行今奉其靈自從宿世以及今身舉意故為動情誤犯未能堅持純實恪守溫良曾無反己之誠靡奉成真之戒尤恐還生人道久汙塵勞不能保命以愛神至于死壞而不顧沉聲滯

色離其本真致生炁之無津固死根而結滯仰祈鍊度普獲飛昇伏願垂憫蒼生廣施玄澤教九先之童子請五老之靈君銷鉛以五色之晶謹注以九陽之炁堪容流火沐浴黃華又請百鍊金剛千和玉液元皇散妙太白

流先宣通胞源解閉結節混合神質灌鍊身

心俾臟腑以清涼使魂神而安鎮迴骸起死返陰成陽重教天醫之功曹散布太清之神藥即使魂儀受鍊仙化更生衆九炁以結形蒙三元而育質三關五臟六腑九宮本始生神根源復命合靈稍息懷胎皆得以生成朽骨枯骸易質咸承於超度則上明

天尊大慈之化下副臣等皈命之誠謹啓以聞

- 一願天澄炁朗
- 二願日照月臨
- 三願景星出現
- 四願法雨霖淫
- 五願冤愆罷對
- 六願苦楚停吟
- 七願龍章飛舞
- 八願鳳篆流金
- 九願真靈集降
- 十願福被幽陰
- 十一願靈魂普度
- 十二願平步超升

存神燒香

香官使者左右龍虎君侍者諸靈官當今臣向來早朝陞壇行道之所自然生金液丹碧芝英百靈衆真交會在此香火爐前當願十方仙童玉女接侍蘭煙俾臣向來所奏之誠

速達徑上

至真元極大道三清上聖

昊天至尊金闕玉皇上帝御前

玉籙大齋第三日早朝儀

玉籙大齋第三日午朝儀

各禮師存念如法

元始虛皇 集炁居中 三境洞香 肇生穹窿
七轉九靈 混合回風 變化萬神 天地開通
言日行事 萬魔敬從 晨輝朗照 默運元功
執節建處 散花太空 十方普度 劫運無終

登壇同平

請稱法位

具位 與臨壇官衆等謹同誠上啓

虛元自然元始天尊元極大道太上道君太

上老君高上玉皇十方已得道大聖衆至真

諸君丈人三十二天帝君玉虛上帝玉帝大

帝東華南極西靈北真玄都玉京金闕七寶

瓊臺紫微上宮靈寶至真明皇道君三十六

部尊經玄中大法師上相上宰上保上傳太

平下教二十四真人西城惣真王君太乙真

人東嶽上卿司命茅君定錄保命二真人名

山洞府得道神仙三界官屬一切真靈

臣聞八景潛輝合太冥於無色一陽積氣結

梵混於初元肇請上景之光乃應開皇之號

玄精發耀成象流形五劫既周九霄八化元
始肇封於紫冊敷炳天文皇人紀律於玉章
總持劫運群魔欽順萬國安寧臣等恭與真
傳風承妙陰負九色之圓象醴液存思諫三
合之靈章依科遵奉凡有所啓敢不以聞齋
意青詞謹當宣奏

宣詞

具如詞言不違懇款思惟大道分別哀祈

臣聞獨露本真故萬劫含靈而咸度廣宣妙

化濟九幽苦趣以無邊隱顯同休天人仰賴

臣等恭按齋儀不違暇食陽晶轉燭方臨停

午之初晝景騰輝共仰中天之照綠華傾光

而回駕紫烟結篆以浮空恭假香傳奉時齋

直以今第三日中分行道請法衆等運茲初

檢上香

願比香烟騰空徑上供養

虛元至真自然大道元始天尊願以是檢香

功德上祝

當今皇帝景命無疆伏願化洽八埏教行六

服金縷叶應三登書大有之年